



# Халқ сўзи

Ўзбекистон — келажак буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2019 йил 2 июль, № 134 (7364)

Сешанба

Сайтимизга ўтиш учун QR-коднинг телефонингиз орқали сканер қилинг.



## ГЕОЛОГИЯ СОҲАСИНИ ХАЛҚАРО СТАНДАРТЛАР АСОСИДА РИВОЖЛАНТИРИШ БЎЙИЧА ВАЗИФАЛАР БЕЛГИЛАНДИ

Ўзбекистон Республикаси Президенти Шавкат Мирзиёев 1 июль куни геология соҳасини янада ривожлантириш, геологик қидирув ва қазиб олишни кенгайтириш масалаларига бағишланган йиғилиш ўтказди.

Мамлакатимизда саноатлаштириш мумкин бўлган 73 турдаги фойдали қазилма захирасига эга 2 митдан зиёд конлар бор. Шундан 437 таси ўзлаштирилмаган. Янги истиқболли конларни ўрганиш етарли даражада эмас. Қидирув ишларига жалб қилинаётган техникаларнинг 70 фоизи эскирган.

Соҳага инвестициялар жалб қилиб, қайта ишлашни йўлга қўйиш ишлари ҳам сустиги қайд этилди. Бугунги кунда 111 истиқболли коннинг атиги 14 тасида тўғридан-тўғри хорижий инвестициялар иштирокида 39 миллион долларлик

6 та лойиҳа амалга оширилмоқда, холос. Йиғилишда геология-қидирув ва қазиб олиш ишлари учун белгиланган солиқ ставкаларини оптималлаштириш, бюджет маблағлари самарадорлигини ошириш, тармоққа хусусий инвестицияларни кенг жалб қилиш бўйича вазифалар белгиланди.

Геология-қидирув ишларини молиялаштириш тизимини ислоҳ қилиш, хорижий экспертларни жалб этиб, энг илгор тажрибани амалиётга жорий қилиш зарурлиги таъкидланди. 2020-2021 йилларга мўлжалланган мутлақо янги форматдаги

қидирув ишлари дастурини шакллантириш, соҳанинг моддий-техника базасини янгилаш бўйича топшириқлар берилди.

Минерал-хом ашё базасини халқаро стандартлар асосида баҳолаш, жумладан, конлар захираларини JORC кодекси талаблари асосида ҳисоблаш ва маълумотлар очиқлигини таъминлаш муҳимлиги қайд этилди.

Инвестициялар ва ташқи савдо вазирлиги, Давлат геология ва минерал ресурслар кўмитасига янги инвестиция лойиҳалари портфелини шакллантириш ҳамда уларни ўз веб-сайтларига

жойлаштириш, хорижда бизнес тadbирлари ва роуд-шоулар ташкиллаштириш орқали салоҳиятли инвесторларни жалб қилиш вазифаси қўйилди.

Вольфрам, графит каби талаб юқори хом ашёлар бўйича инвестиция жалб қилиб, камида 20 та лойиҳани амалга ошириш юзасидан топшириқ берилди.

Соҳадаги бугунги ҳолат ва йиғилишда қўйилган вазифалар юзасидан мутасаддиларнинг ахбороти тингланди.

Ў.А.

## Сайловлар соҳасидаги ислохотларнинг янги даври

Президентимиз Шавкат Мирзиёев ташаббуси билан қабул қилинган ва яқинда кучга кирган Ўзбекистон Республикасининг Сайлов кодекси бу борада мустақам ҳуқуқий асос бўлиб хизмат қилади.

Давлатимиз раҳбарининг ушбу муҳим ташаббуси 2017 йил 22 декабрдаги Олий Мажлисга Мурожаатномасида ўз ифодасини топган эди. “Сиёсий ҳаётимизда муҳим аҳамиятга эга бўлган сайлов қонунчилиги ҳақида ҳам тўхталиб ўтмоқчиман, — дея таъкидладими Мурожаатномада. — Бу борада қабул қилинган олти та қонун ва бир қатор қонуности ҳужжатлари, афсуски, ҳалигача яхлит бир ҳужжат шаклига келтирилмаган. Шу сабабли халқаро норма ва стандартларга жавоб берадиган ягона Сайлов кодексини ишлаб чиқиш ва қабул қилиш лозим. Шунингдек, 2019 йилда ҳокимиятнинг вакиллик органларига бўлиб ўтадиган сайловларга тайёргарлик кўриш бўйича тadbирлар дастурини ишлаб чи-

қишга ҳозирдан киришиш керак. Дастурда мазкур сиёсий жараён янада ошкоралик руҳида ўтишини таъминлайдиган янги, илгор амалиётни жорий этишга алоҳида эътибор қаратиш зарур”.

Бугун жаҳонда икки юзга яқин давлатлар бор. Лекин халқаро норма ва стандартлар асосида ишлаб чиқилиб, лойиҳаси кенг жамоатчилик, таъбир жоиз бўлса, сайлов қонунчилиги борасида “қилни қирқ ёрадиган” халқаро экспертлар томонидан батафсил муҳокама қилиниб, умумэтироф этилган халқаро сайлов стандартларига мос, пухта, ихчам ва яхлит шаклда қабул қилинган бундай мукамал Кодекс яратиш санокли мамлакатларгагина насиб этган.

4

## Парламент ҳаёти

### Давлат дастури ижросида ҳамкорликни кучайтириш талаб этилади

Олий Мажлис Сенатининг Ёшлар, маданият ва спорт масалалари кўмитаси томонидан “Ўзбекистонда ёшларга оид давлат сиёсатини амалга оширишдаги янги чарча ёндашувлар: дастлабки натижалар, долзарб муаммолар ва истиқболдаги вазифалар” мавзусида конференция ўтказилди.

Аёнки, мамлакатимиз келажак бўлган ёшларнинг ҳуқуқий ва ижтимоий ҳимоясини таъминлаш, уларга ўз интилиш ҳамда қобилиятларини рўёбга чиқариши, жамият ва давлат ривожига муносиб ҳисса қўйиши учун барча имкониятни яратиш юртимизда амалга оширилаётган ислохотларнинг ус-тувор мақсадларидан бири-дир. Мазкур йўналишда олиб борилаётган ишларнинг мустақам ҳуқуқий асо-

сини таъминлашга алоҳида эътибор қаратиш лозим. Хусусан, шу кунга қадар Ўзбекистон Республикаси Президентининг ташаббуси ва амалий кўмаги асосида Ёшлар иттифоқи фаолиятига доир жами 40 та қонун ва қонуности ҳужжати қабул қилинди. Ёшлар масалалари билан боғлиқ 70 га яқин меъёрий-ҳуқуқий ҳужжатларга қўшимча ва ўзгартиришлар киритилди.

3

## Кун воқеалари

қисқа сатрларда

“Ватанпарвар” ташкилоти Тошкент шаҳар кенгаши томонидан “Биз ватанпарварлармиз!” фестивали ташкил этилди.

Ўзбекистон, Тожикистон Республикалари ва Афғонистон Ислам Республикаси чегаралари туташган ҳудудда Ўзбекистон ҳамда Тожикистон Республикаси чегара қўшинларининг ҳамкорликдаги ўқув машғулотлари ўтказилди.

Давлат мактабгача таълим ташкилотларига имтиёзли йўлланмалар олиш бўйича электрон навбат (OpenEMIS)га қўшимча ҳисобга олиш ва мониторинг жорий этилмоқда.

Ўзбекистон музейларининг коллекцияларини онлайн кўрсатиб бериш. Маданият ва санъатни ривожлантириш жамғармаси ҳамда Google Arts & Culture Ўзбекистон музей коллекцияларининг каталогини онлайн жойлаштиришга келишди.

«Халқ сўзи».

## Энг яхши китобхон оилага «Спарк» автомобили топширилди

Гулистонда Ёшлар куни байрам тadbирлари “Ёшлар паради” лойиҳаси билан бошланди. Унда 1000 нафар йигит-қиз иштирок этди. Сўнгра “Мотамсаро она” хайкали пойга гуллар қўйилди. “Юрт байроғи” майдонида 10 ёшга тўлган ўқувчилар “Камалак” болалар ташкилотига, 14 ёшга етган ўғил-қизлар эса Ўзбекистон ёшлар иттифоқи аъзолигига қабул қилинди.

### Эътибор

Шунингдек, байрам дастури доирасида “Ҳоким ва ёшлар”, ижтимоий ҳимояга муҳтож оилалар фарзандларининг никоҳ тўйла-

ри, ҳарбий қисмлар ёшлари ўртасида “Зуқко китобхон” каби тadbирлар уюштирилди. Мухташам амфитеатрда байрам тан-

танаси ва гала-концерт ўтказилди.

Унда Сирдарё вилояти ҳокими Ф. Мирзаев Ўзбекистон Республикаси Президенти Шавкат Мирзиёевнинг Ўзбекистон ёшларига байрам табригини ўқиб эшиттирди.

Вилоят ҳокими Президентимиз қарорига асосан “Мард ўғлон” давлат мукофоти билан тақдирланган Бобур туманидаги 30-умумтаълим мактабининг 11-синф ўқувчиси Нодирбек Бахромов ҳамда Сирдарё туманидаги

болалар ва ўсмирлар спорт мактабининг оғир атлетика бўйича мураббийи Жавоҳир Курбоновга ушбу юксак мукофотларни тантанали равишда топширди.

“Ёшлар ойлуги” доирасидаги лойиҳалар голиблари ҳам муносиб тақдирланди. “Энг яхши китобхон оила” танлови голиби, Сайхунбод туманидан Муҳаммад Қаршиев — “Спарк” автомашинаси топширилди.

Севинч АНВАРБЕКОВА.

## Истиқболли лойиҳаларнинг амалий натижалари

ишлаб чиқариш кўламини икки баробар ошириш имконини беради

### Интилиш

Кўргонтепа туманида “Khantex Group” МЧЖга қарашли тўқимачилик мажмуасининг биринчи ип йиғирув фабрикаси фаолият бошлаши билан Маъмуробод қишлоғида истиқомат қилувчи 400 нафар йигит-қиз доимий иш жойига эга бўлди. Бугун улар тумандаги фермер хўжаликлари томонидан кластер усулида етиштирилган пахта хом ашёсини қайта ишлаш орқали сифатли ип йиғириш билан машғул.



Йил охирига қадар корхонанинг иккинчи босқичи ишга туширилиши натижасида ишлаб чиқариш кўлами икки баробар ортади. Умуман, 2020 йилнинг биринчи чорагида корхона ишчилари сони 1500 нафарни ташкил этиши кутилмоқда. Айтиш жоизки, бу йил Кўргонтепа туманида кластер усулида 3 минг 127 гектар майдонда ғўза парваришланмоқда. Бу ерда етиштирилган пахта хом ашёсини қайта ишлаш учун яқин кунларда ип йиғирув корхонасидан ташқари, матони бўяш, тўқиб ва тикувчилик корхоналари ҳам барпо этилади.

Саминжон ҲУСАНОВ («Халқ сўзи»). Хурсандбек АРАББОВЕВ олган суратлар.

(Давоми 2 ва 3-бетларда)

## ОМОНАТЛАР КЎПАЙМОҚДА



## ХОРИЖИЙ ЎТКАЗМАЛАР КЎРСАТКИЧЛАРИ ҲАМ ЎСМОҚДА



\* Марказий банк 2019 йилнинг 31 майдан 13 июнига қадар аҳоли орасида ижтимоий тармоқлар платформалари орқали аноним тарзда сўровнома ўтказди. Унда жами 2165 нафар респондент иштирок этди.





